



Broj: 09/2-3586-NO/19
Sarajevo, 15.10.2019. godine

Shodno članu 16. Poslovnika o radu Nadzornog odbora Javne ustanove "Služba za zapošljavanje Kantona Sarajevo" Sarajevo, 01/8-05-2611/04 od 23.08.2004. godine predsjednik Nadzornog odbora Javne ustanove "Služba za zapošljavanje Kantona Sarajevo" Sarajevo

S A Z I V A

4. (četvrtu) redovnu sjednicu Nadzornog odbora Javne ustanove "Služba za zapošljavanje Kantona Sarajevo" Sarajevo, koja će se održati u četvrtak, 17.10.2019. godine sa početkom u 14:30 časova.

Mjesto održavanja sjednice je sjedište Javne ustanove "Služba za zapošljavanje Kantona Sarajevo" Sarajevo, u ulici Đoke Mazalića br. 3/III - sala za sastanke.

Za sjednicu se predlaže slijedeći:

DNEVNI RED

1. Usvajanje zapisnika sa prve, druge redovne sjednice i treće hitne sjednice Nadzornog odbora Javne ustanove „Služba za zapošljavanje Kantona Sarajevo“ Sarajevo;
2. Realizacija zaključaka sa prve, druge redovne sjednice i treće hitne sjednice Nadzornog odbora Javne ustanove „Služba za zapošljavanje Kantona Sarajevo“ Sarajevo;
3. Tekuća pitanja.



Dostaviti:

1. Indira Habul, zamjenica
2. Željka Marković-Sekulić, članica
3. Direktor
4. A/a.





Broj: 09/2 - 3626 - 140/19
Datum: 18. 10. 2019. g.

Na osnovu člana 32. Statuta Javne ustanove "Služba za zapošljavanje Kantona Sarajevo" Sarajevo, (broj: 05/1-3306/08, od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/2016 od 27.06.2016. godine), Nadzorni odbor Javne ustanove je na četvrtoj redovnoj sjednici, održanoj 17.10.2019. godine, *donio*

ZAKLJUČAK

S obzirom da prema saznanjima Nadzornog odbora utvrđenim u razgovoru sa Mahirom Lokvančićem, rukovodiocem Sektora za podsticajne mjere zapošljavanja i informatičke poslove na sjednici od 06.09.2019.godine bez pisane odluke bilo kojeg djela menadžmenta 2017.godine ovom sektoru prosljeđen referat vođenja i arhiva mjenica iz Sektora za ekonomske poslove i trezor, a s obzirom da u predmetu "Escobar" nije postupano u skladu sa pozitivnim zakonskim procedurama Nadzorni odbor traži tabelarni pregled po sljedećim stavkama.

- a) Evidenciju svih javno oglašanih programa zapošljavanja u koje su uključene mjenice sa rokom otplate
- b) Evidenciju svih potpisanih ugovora sa klijentima po datumima koji su prošli kriterije po javno oglašenim programima zapošljavanja.
- c) Evidenciju realizacije otplate (na godišnjem nivou) i kao posebnu stavku u okviru ove eventualnih dugovanja nastalih u procesu realizacije ugovora po klijentima i javno oglašenim programima zapošljavanja
- d) Evidenciju protestiranih mjenica po datumima u skladu sa odredbama ugovora
- e) Evidenciju utuženih dugovanja po datumima nastalih kroz proces otplate po javno oglašenim programima zapošljavanja
- f) Evidenciju svih raskinutih ugovora sa klijentima po javno oglašenim programima zapošljavanja po datumima u skladu sa odredbama potpisanih ugovora.

Ukoliko u arhivi posjeduje sve podatke tražene zaključkom Sektor za podsticajne mjere zapošljavanja i informatičke poslove može iste sortirati po gore navedenom tabelarnim rasporedu, a ukoliko nema kompletnih podataka u arhivi, neka se isti pismeno potražuju od jedinica i sektora Službe gdje se isti nalaze i o tome obavijesti Nadzorni odbor.

Nadzorni odbor ove informacije traži u roku od deset (10) radnih dana radi pripreme redovne sjednice Nadzornog odbora.

Za realizaciju zaključka zadužuje se rukovodilac Sektora za podsticajne mjere zapošljavanja i informatičke poslove, rukovodilac Sektora za opće, zajedničke i pravne poslove i Sektor za ekonomske poslove i trezor

Ukoliko traženo ne bude dostavljeno u roku predviđenim ovim zaključkom Nadzorni odbor će postupati dalje u okviru svojih nadležnosti propisanim Zakonom.

PREDSJEDNIK
NADZORNOG ODBORA

Nedžad Ahatović





Broj: 09/2-3627-40/19
Datum: 18.10.2019.g.

Na osnovu člana 32. Statuta Javne ustanove "Služba za zapošljavanje Kantona Sarajevo" Sarajevo, (broj: 05/1-3306/08, od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/2016 od 27.06.2016. godine), Nadzorni odbor Javne ustanove je na četvrtoj redovnoj sjednici, održanoj 17.10.2019. godine, *donio*

ZAKLJUČAK

Nadzorni odbor Javne ustanove "Služba za zapošljavanje Kantona Sarajevo" Sarajevo neće razmatrati niti jednu tačku dnevnog reda za koju materijal nije proslijeđen na vrijeme u skladu sa Poslovníkom o radu Nadzornog odbora, osim ukoliko se radi o tačkama za koje su materijali koji se dostavljaju na samoj sjednici vezani zakonskim rokovima. U tim slučajevima Nadzorni odbor će pristupiti izjašnjavanju o tim tačkama dnevnog reda uz zapisnički evidentiranu konstataciju o roku dostavljanja materijala, te će posebnim zaključkom tražiti da se Upravni odbor i direktor Javne ustanove "Služba za zapošljavanje Kantona Sarajevo" Sarajevo pismeno odrede prema odgovornim za ne dostavljanje materijala u skladu sa odredbama Poslovnika o radu Nadzornog odbora

PREDSJEDNIK
NAZORNOG ODBORA

Nedžad Ahačović



Na osnovu člana 34. i 35. Zakona o ustanovama („Službeni list R BiH“, br. 6/92, 8/93 i 13/94) i člana 16. Odluke o osnivanju Javne ustanove „Služba za zapošljavanje Kantona Sarajevo“ Sarajevo („Službene novine Kantona Sarajevo“, br. 11/12 i 5/13), Nadzorni odbor na 1. redovnoj sjednici održanoj 06.09.2019. godine *d o n i o*:

**POSLOVNIK
O IZMJENAMA I DOPUNAMA
POSLOVNIKA O RADU NADZORNOG ODBORA**

Član 1.

U Poslovniku o radu Nadzornog odbora Javne ustanove „Služba za zapošljavanje Kantona Sarajevo“ Sarajevo, broj: 01/08-05-2611/04 od 23.08.2004. godine u članu 17. riječi „i po prijedlogu“ mijenjaju se i glase „i na prijedlog“.

Član 2.

U članu 17. iza riječi „i na prijedlog“ dodaju se riječi „predsjednika Vlade ili ministra za rad, socijalnu politiku, raseljena lica i izbjeglice Kantona Sarajevo, direktora Javne ustanove Služba za zapošljavanje, drugih organa – u skladu sa Zakonom.“

Član 3.

U članu 17. iza riječi „prijedlogu“ dodaju se riječi „subjekata iz stava (1) ovog člana.“

Član 4.

Član 18. mijenja se i glasi:

„Član 18.

Sjednica se saziva najranije 3 (tri) dana prije njenog održavanja.

Sjednica se saziva pismenim pozivom i drugim sredstvima koji stoje na raspolaganju (telefonski, video linkom, elektronski i sl).“

Član 5.

Član 19. mijenja se i glasi:

„Član 19.

U hitnom slučaju sjednica se može sazvati u kraćem roku u odnosu na stav (1) prethodnog člana, s tim da taj rok ne može biti kraći od 48 sati.

Hitna sjednica saziva se samo u slučaju kada bi mogla nastati šteta ili druga štetna posljedica za Javne ustanove „Služba za zapošljavanje“.

Dosadašnji stav (2) postaje stav (3).

Član 6.

U članu 42. stav (1) glasi:

„Tajno glasanje provodi se kada to zahtijevaju najmanje 2 (dva) člana Nadzornog odbora i u slučaju kada je zakonom ili drugim općim aktom utvrđeno da se odluke donose tajnim glasanjem.“

Dosadašnji st. (1); (2); (3); (4) i (5) postaju st. (2); (3); (4); (5) i (6).

Član 7.

Ostale odredbe Poslovnika ostaje nepromijenjene.

Član 8.

Ovaj Poslovnik stupa na snagu danom donošenja.


PREDSJEDNIK
NADZORNOG ODBORA
Nedžad Ahatović

Broj: 09/2-36/1-NO/19

Sarajevo, 14.10 .2019.godine